

VENDIM
Nr. 338, datë 21.12.2022

**MBI MIRATIMIN E “KONTRATËS TIP PËR SHITBLERJEN E ENERGJISË
ELEKTRIKE NDËRMJET SHOQËRISË SË PRODHIMIT TË ENERGJISË
ELEKTRIKE TË NGARKUAR ME DETYRIMIN E SHËRBIMIT PUBLIK, AKSIONET
E SË CILËS KONTROLLOHEN PLOTËSISHT OSE PJESËRISHT NGA SHTETI,
KESH SHA DHE FURNIZUESI I SHËRBIMIT UNIVERSAL (FSHU) SHA, PËR
FURNIZIMIN E KLIENTËVE QË FURNIZOHEN NGA FSHU SHA”**

Në zbatim të neneve 16, 20, germa “h”, 47, 56, germa “P”, si dhe 90, të ligjit nr. 43/2015, “Për sektorin e energjisë elektrike”, i ndryshuar; pjesës I, nenit 4, pikës 7, të vendimit të Këshillit të Ministrave (VKM) nr. 456, datë 29.6.2022, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”; VKM-së nr. 650, datë 10.10.2022, “Për disa ndryshime në vendimin nr. 584, datë 8.10.2021, të Këshillit të Ministrave, “Për shpalljen e gjendjes së emergjencës në furnizimin me energji elektrike”; kapitullit V, të “Rregullat e tregut shqiptar të energjisë elektrike”, miratuar me vendimin e Bordit të Entit Rregullator të Energjisë (ERE) nr. 139, datë 15.8.2016, i ndryshuar; “Kodi i Transmetimit”, miratuar me vendimin e Bordit të ERE-s nr. 63, datë 11.4.2022, si dhe nenit 15, të rregullores “Për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016; Bordi i ERE-s, në mbledhjen e tij të datës 21.12.2022, pasi shqyrtoi relacionin me nr. 2094 prot., datë 19.12.2022 “Mbi miratimin e kontratës tip për shitblerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal (FSHU) sh.a., për furnizimin e klientëve që furnizohen nga FSHU sh.a.”,

konstatoi se:

- Bordi i ERE-s, me vendimin nr. 274, datë 27.10.2022, vendosi që: shoqëria e prodhimit të energjisë elektrike e ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal (FSHU) sh.a., të rishikojnë bazën ligjore, nenet 1, 2, 9, 14 dhe 21, të kontratës së dërguar në ERE me shkresën e përbashkët të KESH sh.a., me nr. 4845/1 prot., datë 30.9.2022, dhe të FSHU sh.a., me nr. 6926/1 prot., datë 30.9.2022, kontratën me nr. 4845 prot., të KESH sh.a., datë 30.9.2022., dhe me nr. 6926 prot., të FSHU sh.a. datë 30.9.2022. VKM nr. 584, datë 8.10.2021, “Për shpalljen e gjendjes së emergjencës në furnizimin me energji elektrike”, e ndryshuar, ka shpallur gjendjen e emergjencës në furnizimin me energji elektrike deri në 31 dhjetor 2022.

- Shoqëritë KESH sh.a. dhe FSHU sh.a. me shkresën nr. 1744-1 prot., datë 30.11.2022, dërguan në ERE kontratën tip, mes shoqërisë KESH – FSHU me nr. 5823/1 prot., datë 25.11.2022, të KESH sh.a. dhe nr. 6926/2 prot., datë 25.11.2022 të FSHU sh.a. me ndërhyrjet sipas konstatimeve dhe përmbajtjes së vendimit të Bordit të ERE-s nr. 274, datë 27.10.2022.

- Një nga detyrat e lëna nëpërmjet vendimit të Bordit të ERE-s nr. 274/2022, në konstatimet e tij është dhe saktësimi i bazës ligjore të kontratës së referuar në ERE.

- Kontrata e ri sjellë në ERE nëpërmjet shkresës nr. 1744/1 prot, datë 30.11.2022, për KESH sh.a. me nr. 5823/1 prot., datë 25.11.2022 dhe për FSHU sh.a. me nr. 6926/2 prot., datë 25.11.2022, referon si bazë ligjore VKM-në nr. 620/2021, të ndryshuar me VKM-në nr. 757, datë 9.12.2021, si dhe VKM-në nr. 456, datë 29.6.2022.

- Në shkresën e sipërcituar shoqëritë sqarojnë se: në draftin dërguar nëpërmjet shkresës nr. 4845/1 prot., datë 30.9.2022 të KESH sh.a. dhe nr. 6926/1 prot., datë 30.9.2022, të FSHU sh.a., parashikuan në seksionin e bazës ligjore vetëm aktet, të cilat në momentin e finalizimit të kontratës ishin në fuqi.

Nga ana e palëve është e qartë se për periudhën e rregulluar të marrëdhënies nga data 1.1.2022–31.12.2022, marrëdhënia juridike mes palëve ka qenë e rregulluar edhe nga vendimi i Këshillit të Ministrave nr. 620/2021, i ndryshuar, por vendosja në referencë e këtij akti në momentin kur fuqia juridike e tij ka humbur, u vlerësua se do të përbënte një pasaktësi në aspektin material ligjor.

Megjithatë palët theksojnë se për t'u përmendur është fakti se marrëdhënia mes palëve e rregulluar nëpërmjet VKM nr. 620/2021, e ndryshuar, është me të njëjtën frymë si edhe e rregulluar në VKM nr. 456/2022.

- Për sa më sipër sqaruar nga ana e shoqërive si dhe duke ndjekur arsyetimin ligjor se deri në hyrjen në fuqi të VKM-së nr. 456, datë 29.6.2022, marrëdhënia juridike e shërbimit publik mes palëve është rregulluar me VKM-në nr. 620/2021, e ndryshuar sikurse cituar dhe në dispozitat kalimtare të VKM-së nr. 456/2022 e cila parashikon se me hyrjen në fuqi të këtij vendimi sasi të energjisë elektrike të depozituara/ shkëmbyera përgjatë gjithë vitit kalendarik, të rakordohen sipas të dhënave faktike të periudhës së rakordimit për vitin ushtrimor 2022, vlerësohet se për vitin ushtrimor 2023 shoqëritë të sjellin ndryshimet e sqaruara si më lart të bazës ligjore të referuar në kontratë tip.

- Shoqëritë KESH sh.a. dhe FSHU sh.a. nëpërmjet shkresës së përbashkët protokolluar me tonën me nr. 1744/1 prot., datë 30.11.2022, me lëndë: “Për dërgimin e kontratës tip, mes shoqërive KESH-FSHU, në zbatim të vendimit të Bordit të ERE-s nr. 274, datë 27.10.2022”, sqarojnë lidhur me konstatimin në vendimin nr. 274/2022 “...KESH sh.a. dhe FSHU sh.a. duhet të bëjnë saktësimet përkatëse nëse kontrata e përcjellë në ERE është një kontratë tip që do të përdoret për çdo rast ndërmjet palëve apo është një kontratë vetëm për një periudhë të caktuar kohore”, se: kanë bërë ndërhyrjet dhe kanë përcjellë nëpërmjet kësaj shkrese, kontratën tip për rregullimin e marrëdhënies së “shitblerjes së energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, KESH sh.a. dhe Furnizuesi i Shërbimit Universal, FSHU sh.a., për furnizimin e klientëve universalë **për periudhën kohore dd/mm/vvvv-dd/mm/vvvv**”.

- Për sa më sipër kjo detyrë e lënë në konstatimet e vendimit të Bordit të ERE-s nr. 274, datë 27.10.2022 është plotësuar dhe reflektuar në kontratën tip të ri sjellë për miratim.

- Nga ana e shoqërive, në kontratën tip të rishikuar bashkëlidhur këtij vendimi, janë reflektuar të dhënat për referencë të vendimit të Asamblesë së Aksionarëve të shoqërisë së prodhimit, ashtu edhe fusha për t'u plotësuar nga palët për periudhat përkatëse që do të rregullohen nga kontrata tip.

- Më konkretisht pika 2 e nenit 2 të draftkantatës tip ka ndryshuar nga: “2. Çmimi i shitjes së energjisë elektrike për vitin 2022 është ai i miratuar me vendimin e Asamblesë së Përgjithshme të Shitësit nr. 1394/1 prot., datë 16.2.2022, i ndryshuar dhe sipas këtij vendimi është 2.6 lekë/KWh për energji, e cila shërben për furnizimin nga FSHU-ja të klientëve të lidhur në rrjetin e shpërndarjes së tensionit të ulët, 0.4 kv dhe 12 lekë/KWh për energji që shërben për furnizimin nga FSHU si Furnizues i Mundësisë së Fundit (FMF) të klientëve të lidhur në rrjetin e shpërndarjes së tensionit të mesëm 6/10/20 kv. “NW: “Çmimi i shitjes së energjisë elektrike për vitin VVVV është ai i miratuar me vendimin e Asamblesë së Përgjithshme të Shitësit nr. ____ prot., datë dd/mm/vvvv”.

- Shoqëritë shprehen, se: lidhur me përcaktimin e çmimit për kategori klientësh dhe tarifimit me fasha konsumi mujore, referuar vendimit të Bordit të ERE-s nr. 242, datë 23.9.2022.

“...nga ana e shoqërive është evidentuar se çmimi apo çmimet e shitjes së energjisë elektrike nga shoqëria e prodhimit të shoqëria e furnizimit universal, në bazë të përcaktimeve të nenit 5, pika 4 të vendimit nr. 456/2022, të Këshillit të Ministrave është kompetencë e Asamblesë së Aksionareve të shoqërisë publike të prodhimit.”

Duke marrë në konsideratë këtë parashikim nga ana e shoqërive ky vendim është referuar në nenin 2 të kontratës si e dhënë e cila përcaktohet për periudhën përkatëse që do të rregullojë.

- Për sa i përket konstatimit të vendimit të Bordit të ERE-s nr. 274/2022, se: “...Këto ndryshime prekin dhe elemente që lidhen me afatin e pagesave, e cila ndryshon nga 30 ditë në 45 ditë, po ashtu mënyrën e faturimit e cila ndryshon dhe për faktin se FSHU sh.a. shërben dhe si FMF-ja. Në këto kushte, palët KESH sh.a. dhe FSHU sh.a. duhet të bëjnë me dije në ERE nëse ndryshimet në kontratë sjellin kosto shtesë për ato.”

- Palët sqarojnë se: bazuar në përcaktimet e vendimit të Asamblesë së Aksionareve të shoqërisë së prodhimit nga ana e shoqërive është parashikuar në nenin 14, mekanizmi i faturimit të energjisë së livruar bazuar në parimet:

- i) faturim për energji të nominuar;
 - ii) saktësim të faturimit sipas kategorisë së klientit të furnizuar;
 - iii) saktësim të faturimit sipas tarifës së energjisë me fashë konsumi,
- Pikat “ii” dhe “iii” nëse janë miratuar në vendimin e Asamblesë së Aksionareve.

Për sa më sipër palët kanë parashikuar në nenin 14 rregullimet e nevojshme kontraktore duke përcaktuar mënyrën dhe mekanizmat e faturimit.

Gjithashtu nga ana e shoqërive është përcaktuar edhe një afat prej 45 ditësh për pagesën e faturave, nga dita e fundit të muajit të livrimit.

- Në krahasim me afatin e mëparshëm të pagesave, përcaktuar në kontratën tip miratuar nga ERE me vendimin nr. 73, datë 22.4.2020, i ndryshuar, mes palëve është vendosur që afati i pagesës të jetë nga 30 ditë nga dita e faturimit, në 45 ditë nga dita e fundit e livrimit për muajin përkatës.

Ky afat vjen në linjë me detyrimet e KESH-it ndaj kreditorëve për blerje energjie, si dhe vjen si rrjedhojë e nevojave të mundshme për rakordime me fakt të energjisë së destinuar për kategori klientësh ose fashe konsumi mujore, duke mos sjell shtim të kostove për shoqërinë KESH apo shoqërinë FSHU.

- Nga shqyrtimi i kontratës të sjellë në ERE nëpërmjet shkresës së përbashkët protokolluar me tonën me nr. 1744/1 prot., datë 30.11.2022, vlerësohet që palët KESH sh.a. dhe FSHU sh.a. të bëjnë këto ndryshime:

- Në bazën ligjore të kontratës të shtohen edhe këto akte ligjore:

- Vendimi nr. 584, datë 8.10.2021, i Këshillit të Ministrave, “Për shpalljen e gjendjes së emergjencës në furnizimin me energji elektrike”, i ndryshuar;

- Vendimi nr. 23, datë 25.3.2009 i Bordit të Komisionerëve të Entit Rregullator të Energjisë “Mbi rinovimin e licencave në aktivitetin e prodhimit dhe tregtimit të energjisë elektrike shoqërisë KESH sh.a.”, i ndryshuar;

- Vendimi i Bordit të ERE-s nr. 112, datë 8.7.2016 “Për përcaktimin e të licencuarit të ngarkuar me detyrimin e shërbimit universal për tregun e energjisë elektrike dhe përcaktimin e kushteve për ushtrimin e detyrimit të shërbimit universal”;

- Vendimi nr. 215, datë 11.10.2018 i Bordit të ERE-s “Mbi transferimin e licencës së furnizimit të energjisë elektrike me nr. 251, me seri P14FPP, miratuar me vendimin e Bordit të ERE-s nr. 97, datë 27.10.2014, e vlefshme deri më datë 27.10.2019 dhe detyrimit të shërbimit universal të furnizimit të energjisë elektrike, të shoqërisë Operatori i Shpërndarjes së Energjisë Elektrike sh.a. (OSHEE sh.a.), miratuar me vendimin e Bordit të ERE-s nr. 112, datë 8.7.2016 të shoqëria “Furnizuesi i Shërbimit Universal” sh.a. (FSHU sh.a.)”, i ndryshuar;

- Vendimi nr. 164, datë 4.11.2019 i Bordit të ERE-s “Mbi rinovimin e licencës së shoqërisë Furnizuesi i Shërbimit Universal sh.a. (FSHU sh.a.) në veprimtarinë e furnizimit të energjisë elektrike”;

- Në nenin 9 “Rakordimi i sasisë së energjisë të lëvruar për qëllim të furnizimit të klientëve”, pika 2 të ndryshojë: Me mbylljen e bilancit mujor të shoqërisë FSHU, jo më vonë se data 25 e muajit **pasardhës**, palët do të rakordojnë:

- Në shtojcën 2: “Sipas nenit 19, të kësaj kontrate...”, të ndryshohet “Sipas nenit 18 të kësaj kontrate...”

Për gjithë sa më sipër, Bordi i ERE-s

VENDOSI:

1. Miratimin e kontratës tip për shitblerjen e energjisë elektrike ndërmjet shoqërisë së prodhimit të energjisë elektrike të ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, (KESH sh.a.) dhe Furnizuesi i Shërbimit Universal (FSHU) sh.a., për furnizimin e klientëve që furnizohen nga FSHU sh.a. (bashkëlidhur).

2. Me miratimin e kësaj kontrate, shfuqizohen aktet që bien në kundërshtim me të.

3. Kontrata e nënshkruar nga Palët, të dërgohet në ERE brenda 5 ditëve nga marrja dijeni e këtij vendimi.

4. Drejtoria Juridike dhe e Zgjidhjes së Mosmarrëveshjeve të njoftojë shoqëritë, KESH sh.a. dhe FSHU sh.a. për vendimin e Bordit të ERE-s.

Ky vendim hyn në fuqi menjëherë.

Çdo palë e përfshirë në këtë procedurë mund t’i kërkojë ERE-s, brenda 7 ditëve kalendarike nga data e marrjes së vendimit, rishikimin e vendimit të Bordit në rast se ka siguruar prova të reja që mund ta çojnë Bordin në marrjen e një vendimi të ndryshëm nga i mëparshmi apo për gabime materiale të konstatuara. Për këtë vendim mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti

Nr. _____ prot, datë ____/____/____

Nr. _____ prot, datë ____/____/____

**KONTRATË TIP PËR SHITBLERJEN E ENERGJISË ELEKTRIKE NDËRMJET SHOQËRISË
SË PRODHIMIT TË ENERGJISË ELEKTRIKE TË NGARKUAR ME DETYRIMIN E
SHËRBIMIT PUBLIK, AKSIONET E SË CILËS KONTROLLOHEN PLOTËSISHT OSE
PJESËRISHT NGA SHTETI, KESH SH.A. DHE FURNIZUESI I SHËRBIMIT UNIVERSAL
(FSHU) SH.A., PËR FURNIZIMIN E KLIENTËVE UNIVERSALË PËR PERIU DHËN KOHORE**

dd/mm/vvvv – dd/mm/vvvv

E lidhur sot më datë _____.____._____ ndërmjet:

Shoqërisë Korporata Elektroenergjitike Shqiptare (KESH) SH.A., me objekt aktiviteti prodhimi i energjisë elektrike, shoqëri e ngarkuar me detyrimin e shërbimit publik, aksionet e së cilës kontrollohen plotësisht ose pjesërisht nga shteti, e përfaqësuar nga Z. _____, Administrator i Shoqërisë që më poshtë do të quhet “Shitësi”,

dhe

Furnizuesi i Shërbimit Universal (FSHU) SH.A., me objekt aktiviteti në: furnizimin me energji elektrike të klientëve universalë të përcaktuar nga legjislacioni në fuqi, ofrimin dhe sigurimin e cilësisë tregtare të shërbimit, si dhe çdo aktivitet tjetër fitimprurës me interes për shoqërinë, përfaqësuar nga Z. _____, Administrator i shoqërisë, që më poshtë do të quhet “Blerësi”

(të cilët do të referohen veç si më sipër së bashku si “Palët” dhe me vete si “Pala”)

Baza ligjore: neni 20 gërma h) e Ligjit Nr. 43/2015 “Për Sektorin e Energjisë Elektrike”, i ndryshuar, Vendimi Nr. 456, datë 29.06.2022 i Këshillit të Ministrave “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, Vendimi Nr. 620, datë 22.10.2021 i Këshillit të Ministrave “Për miratimin e kushteve për vendosjen e detyrimit të shërbimit publik ndaj të licencuarve në sektorin e energjisë elektrike, gjatë gjendjes së emergjencës në furnizimin me energji elektrike dhe për përballimin e parandalimin e saj”, e ndryshuar me VKM Nr. 757, datë 9.12.2021, Vendimi i Bordit të ERE nr. 112, datë 08.07.2016 “Për përcaktimin e të licencuarit të ngarkuar me detyrimin e shërbimit universal për tregun e energjisë elektrike dhe përcaktimin e kushteve për ushtrimin e detyrimit të shërbimit universal”, Vendimi i Ministrit përgjegjës për Energjinë Nr. _____ prot., datë dd/mm/vvvv (në cilësinë e përfaqësuesit të shtetit si pronar i aksioneve të subjektit prodhues i ngarkuar me detyrimin e shërbimit publik) i Asamblesë së Përgjithshme të Shoqërisë për miratimin e çmimit të shitjes së energjisë elektrike për qëllime të furnizimit të Furnizuesit të Shërbimit Universal për vitin VVVV.

Në kushtet kur:

- Furnizuesi i Shërbimit Universal (FSHU) SH.A., në aktivitetin e licencuar të furnizuesit është ngarkuar me detyrimin e Shërbimit Universal të Furnizimit me energji elektrike për kategorinë e klientëve universalë që përfitojnë nga Shërbimi Universal i Furnizimit me energji elektrike, në përputhje me parashikimet e pikës 1, të nenit 109, të Ligjit nr.43/2015 “Për sektorin e energjisë elektrike”, i ndryshuar, Vendimit nr. 449, datë 15.06.2016, të Këshillit të Ministrave “Për miratimin e kushteve dhe procedurave për përcaktimin e furnizuesit të mundësisë së fundit të energjisë elektrike dhe vendimit të Bordit të ERE “Për përcaktimin e të licencuarit të ngarkuar me detyrimin e shërbimit universal për tregun e energjisë elektrike dhe përcaktimin e kushteve për ushtrimin e detyrimit të shërbimit universal”,
- Furnizuesit të Shërbimit Universal i është vendosur detyrimi i shërbimit publik për të blerë sasinë e nevojshme të energjisë elektrike, të prodhuar nga shoqëria e prodhimit të energjisë elektrike, aksionet e së cilës kontrollohen plotësisht ose pjesërisht nga shteti;
- Shoqëria e prodhimit të energjisë elektrike, aksionet e së cilës kontrollohen plotësisht ose pjesërisht nga shteti në zbatim të Vendimi Nr. 456, datë 29.06.2022, i Këshillit të Ministrave, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike” është e detyruar të furnizojë Furnizuesin e Shërbimit Universal me të gjithë sasinë e nevojshme të energjisë, për qëllime të plotësimit të kërkesës së plotë të Furnizuesit të Shërbimit Universal.
- Deri në hyrjen në fuqi të Vendimit Nr. 456, datë 29.06.2022, të Këshillit të Ministrave, detyrimi për shërbim publik vendosur për shoqëritë e sektorit dhe marrëdhënie mes shoqërisë së prodhimit të energjisë elektrike, aksionet e së cilës kontrollohen plotësisht ose pjesërisht nga shteti dhe furnizuesit të shërbimit universal rregulloheshin nga Vendimi i Këshillit të Ministrave Nr. 620, datë 22.10.2021, i ndryshuar.
- Në dispozitat kalimtare të Vendimit Nr. 456, datë 29.06.2022 të Këshillit të ministrave, parashikohet që me hyrjen në fuqi të këtij vendimi të rakordojnë sasinë e energjisë elektrike të depozituar/shkëmbyer përgjatë vitit kalendarik, sipas të dhënave faktike të periudhës së rakordimit, për vitin ushtrimor 2022.
- Çmimi për njësi i energjisë elektrike, për qëllime të përmbushjes së detyrimit për shërbim publik përkundrejt Furnizuesit të Shërbimit Universal, është miratuar nga Asambleja e Përgjithshme e Shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti
- Ministri përgjegjës për energjinë (në cilësinë e përfaqësuesit të shtetit si pronar i aksioneve të shoqërisë së prodhimit të ngarkuar me detyrimin e shërbimit publik aksionet e së cilës kontrollohen plotësisht ose pjesërisht nga shteti në Asamblenë e Përgjithshme të Shoqërisë) me vendimin nr. _____ prot., datë dd/mm/vvvv, i ndryshuar ka miratuar çmimin e shitjes së energjisë elektrike për qëllime të furnizimit të Furnizuesit të Shërbimit Universal në kuadër të detyrimit për shërbim publik nga shoqëria e prodhimit aksionet e së cilës kontrollohen plotësisht ose pjesërisht nga shteti.

Palët bien dakord lidhur me përmbajtjen e kontratës së shit-blerjes së energjisë elektrike në kuadër të përmbushjes së detyrimit për shërbim publik si më poshtë vijon:

NENI 1 QËLLIMI I KONTRATËS

Kjo Kontratë (së bashku me Shtojcat apo anekset e saj) rregullon të gjithë marrëdhënien e shitjes dhe blerjes së energjisë elektrike ndërmjet Palëve për plotësimin e kërkesës së Blerësit për periudhën kohore 1 Janar-31 Dhjetor.

NENI 2 SASIA E KONTRAKTUAR DHE ÇMIMI I SHITJES

1. Sasia e kontraktuar, nominuar për vitin, që Shitësi është i detyruar të furnizojë Blerësin, është e gjithë sasia e nevojshme për plotësimin e kërkesës së plotë të Blerësit, kjo referuar programeve mujore/javore/ditore/intra-day sipas parashikimeve të nenit 4 dhe 5 të kësaj kontrate.
2. Çmimi i shitjes së energjisë elektrike për vitin VVVV është ai i miratuar me Vendimin e Asamblesë së Përgjithshme të Shitësit nr. _____ prot., datë dd/mm/vvvv.

NENI 3 PËRKUFIZIMET

1. **Referencat në Kohë:** Referencat e kohës do të jenë sipas Kohës Qendrore Evropiane (CET).
2. **Përputhja me Aktet nënligjore dhe Rregullat e Tregut:** Kjo Kontratë hartohet në përputhje me parashikimet e akteve ligjore dhe nënligjore në sektorin e energjisë elektrike. Në rast se ndonjë parashikim në këtë Kontratë bie në kundërshtim me ndonjë parashikim në aktet ligjore dhe rregullatore në fuqi, atëherë, ky parashikim në kontratë konsiderohet i pavlefshëm/pazbatueshëm dhe marrëdhënia rregullohet sipas parashikimeve të aktit në fuqi.
3. **Sasia e kontraktuar** – sasia totale e energjisë referuar programeve mujore/ javore/ditore/intra-day të "FSHU" SH.A. për klientët universalë objekt i kësaj kontrate.
4. **Aneksi Nr. 1** – informacion paraprak parashikues për sasi të plota vjetore të "FSHU" SH.A.
5. **Çmimi i kontratës:** Çmimi i përcaktuar sipas parashikimeve të VKM 456/2022,
6. **"Dita e Punës"** do të thotë një ditë (përveç së shtunës dhe së dielës) në të cilën bankat komerciale janë të hapura për biznes të përgjithshëm në vendet ku secila Palë ka zyrën e saj të regjistruar;
7. **"Përgjegjësia për Balancimin"** shitësi dhe blerësi janë përgjegjës për të balancuar pozicionin e tyre në tregun e energjisë
8. **"Koha Qendrore Evropiane"** ose **"CET"** do të thotë Koha Qendrore Evropiane dhe do të përfshijë Kohën Dimërore Qendrore Evropiane dhe Kohën Verore Qendrore Evropiane sipas zbatimit;
9. **"Kapaciteti i Kontratës "** lidhur me një Kontratë Individuale do të thotë, kapaciteti i vendosur mes Palëve, i shprehur në MW;
11. **"Dëmet"** ka kuptimin e specifikuar në nenin 13. **(Kufizimi i Përgjegjësisë Financiare)**
12. **"Pala që nuk përmbush detyrimet"** ka kuptimin e specifikuar në nenin 11 **(Pezullimi i Livrimit);**
13. **"Filial"** lidhur me një Palë do të thotë një Njësi e Kontrolluar, direkt ose indirekt, nga ajo Palë, çdo Njësi që Kontrollon direkt ose indirekt atë Palë ose çdo Njësi direkt ose indirekt nën Kontrollin e përbashkët të një Pale
14. **"Pika e Livrimit"** lidhur me një Kontratë Individuale do të thotë pika e livrimit e vendosur mes

15. **"Programi i Livrimit"** lidhur me një Kontratë Individuale do të thotë programi i livrimit i vendosur mes Palëve për ditën në avanse sipas rregullave përkatëse;
16. **"Data e Pagesës"** ka kuptimin e specifikuar në nenin 14 (**Faturimi dhe Pagesa**)
17. **"Data e Hyrjes në Fuqi"** ka kuptimin e vendosur në faqen e parë të kësaj Kontrate;
18. **"Programi"** ka kuptimin e specifikuar në nenin 6, pika 3 dhe 7.2 (**Përkufizimi i Programit**) dhe **"I Programuar"** dhe **"Programimi"** do të interpretohen sipas kësaj;
19. **"Taksë"** do të thotë çdo taksë e tanishme ose e ardhshme, kuotë, taksë importi, detyrim, pagesë, vlerësim ose tarifë e çdo natyre (përfshirë interesin, gjokat dhe shtesat e tyre) që vendoset nga çdo qeveri ose autoritet tjetër taksash (për përfitimin ose jo të tij) lidhur me çdo pagesë sipas Kontratës përveç taksës së vulës, regjistrimit, dokumentacionit ose ndonjë taksë të ngjashme;
20. Çdo term tjetër i përdorur në këtë kontratë do të lexohet në kuptimin e dhënë në legjislacionin në fuqi.

NENI 4

TË DREJTAT DHE DETYRIMET E BLERËSIT

1. Blerësi, bazuar në kërkesën vjetore për energji, Aneksi Nr. 1 i kësaj kontrate, dhe në trendin e ngarkesës do t'i paraqesë Shitësit programin vjetor të ndarë me bazë mujore të ngarkesës së klientëve universalë, në përputhje me parashikimet e akteve rregullatore në sektorin e energjisë elektrike .
2. Blerësi jo më vonë se 7 ditë kalendarike përpara fillimit të muajit të furnizimit do t'i dërgojë Shitësit gjithë të dhënat që lidhen me parashikimin e ngarkesës për muajin pasardhës me bazë ditore dhe orare të ngarkesës.
3. Blerësi jo më vonë se dita e enjte e çdo jave do ti dërgojë Shitësit të dhënat që lidhen me ngarkesën e klientëve universalë për sasinë e javës në avancë me bazë ditore/orare.
4. Blerësi brenda orës 12:00 të çdo dite do ti dërgojë Shitësit programin e ditës në avancë me bazë orare të ngarkesës sipas afateve të përcaktuara në Rregullat e Tregun Shqiptar të Balancimit.
5. Blerësi, brenda orës 15:00 do t'i dërgojë Shitësit përditësim të kërkesës për furnizimin e klientëve fundore për ditën D+2, me bazë orare me qëllim garantimin e furnizimit të plotë për periudhën vijuese.
6. Blerësi pas mbylljes së bilancit energjetik, por jo më vonë se data 10 e muajit duhet t'i dërgojë Shitësit informacionin mbi sasinë e energjisë së faturuar dhe informacione të tjera për qëllim të përmbushjes së detyrimeve të kësaj kontrate.

NENI 5

TË DREJTAT DHE DETYRIMET E SHITËSIT

Shitësi bazuar në programet vjetore/mujore/javore/ditore në day-ahead dhe intra-day do të sigurojë përmbushjen e kërkesës së Blerësit.

NENI 6

DETYRIMET KRYESORE PËR FURNIZIMIN ME ENERGJI ELEKTRIKE

1. **Përgjegjësia për balancimin e energjisë:** Shitësi dhe blerësi janë subjekte të rregullave në fuqi për balancimin dhe për rrjedhojë përgjegjës për balancimin e energjisë elektrike përkundrejt OST (deri sa nuk kanë një marrëveshje që rregullon përgjegjësinë e balancimit me të tretët).
2. **Nominimi (Livrimi dhe Pranimi):** Shitësi dhe blerësi do të nominojnë në Platformën e OST për nominimet. Bazuar në konfirmimet e bëra paraprakisht, çka përbën konfirmimin për livrimin (Shitësi) dhe pranimin (Blerësi) e energjisë elektrike objekt i kësaj kontrate. Sasia e programuar nga palët në sistemin DAMAS të OST është sasia kontraktuale për të cilën Blerësi do të paguajë Shitësit me çmimin e përcaktuar në nenin 2 të Kontratës.
3. **"Program"** sipas zbatimit, do të thotë veprimet e nevojshme për një Palë për kryerjen e detyrimeve përkatëse të livrimit dhe pranimi, që përfshin programimin, njoftimin, kërkimin dhe konfirmimin me Palën tjetër, agjentët dhe përfaqësuesit e tyre të autorizuar përkatës apo me OST, Sasinë e Kontratës, Kapacitetin e Kontratës, Pikën e Livrimit, Programin e furnizimit, Periudhën Totale të Furnizimit, dhe çdo kusht tjetër të Kontratës sipas gjithë rregullave të zbatueshme dhe praktikave e procedurave të tjera të zakonshme industriale.

ENI 7

LIVRIMI, MATJA, TRANSMETIMI DHE RISKU

1. **Rryma/Frekuenca/Tensionet:** Energjia Elektrike do të livrohet me rrymën, frekuencën dhe tensionin e zbatueshëm në Pikën përkatëse të Livrimit sipas standarteve të parashikuara në Kodet dhe Rregullat në fuqi.
2. **Programet e Deklaruara:** Sasia e Energjisë Elektrike që do të programohet dhe konfirmohet nga Shitësi për Blerësin, do t'i furnizohet këtij të fundit mbi baza vjetore, mujore, javore, ditore dhe orare në përputhje me Rregullat e Tregut të Energjisë Elektrike si dhe Kodet e Rrjetit. Nominimi fizik/programi i livrimit për ditën e nesërme duhet paraqitur në përputhje me Rregullat e Tregut dhe Kodet në fuqi.
3. **Dokumentacioni i Livrimeve dhe Marrjeve në Dorëzim:** Bazuar në një kërkesë të arsyeshme, Palët:
 - do t'i sigurojnë njëra-tjetrës dokumentacionin që posedojnë ose do të kontrollojë paraqitjen e Programeve, sasive, livrimeve dhe pranimi të energjisë elektrike për qëllimet e përcaktimit të shkakut të çdo devijimi mes afateve të Kontratës Individuale dhe marrjeve aktuale në dorëzim të energjisë elektrike (referuar nominimit në Platformën e OST për nominimet).
4. **Risqet e Shitësit dhe Blerësit:** Shitësi do të marrë përsipër gjithë risqet dhe do të përgjigjet për çdo kosto apo pagesë të vendosur ose shoqëruese të Programimit, transmetimit dhe livrimit të sasisë së energjisë së parashikuar në Kontratë deri në Pikën e Livrimit. Blerësi do të marrë përsipër gjithë risqet dhe do të përgjigjet për çdo kosto ose pagesë të vendosur ose shoqëruese të programimit, pranimi dhe transmetimit të Sasisë së Kontratës në dhe nga Pika e Livrimit.
5. **Pikat e Livrimit:** Shitësi do ta livrojë energjinë elektrike në kufijtë e sistemit të transmetimit të OST, me kusht që të ekzistojnë matës në këto pika për të lejuar verifikimin e shumave dhe kohës së livrimeve.

ENI 8

MOS-PERFORMANCA PËR SHKAK TË FORCËS MADHORE

1. **Përkufizimi i Forcës Madhore:** Përveç se kur specifikohet ndryshe, "Forcë Madhore" për qëllimet e Kontratës do të thotë një ngjarje jashtë kontrollit të arsyeshëm të Palës që pretendon Forcën Madhore

(“Pala Pretenduese”), siç përcaktohet në Ligjin nr. 43/2015 “Për Sektorin e Energjisë Elektrike”, i ndryshuar, që nuk mund ta shmangte ose ta kapërcente në mënyrë të arsyeshme dhe që bën të pamundur që Pala Pretenduese të kryejë detyrimet e livrimit ose pranimi, për shkaqet e mëposhtme, por pa u kufizuar me to:

- a) defekti në komunikim ose i sistemeve kompjuterikë të OST-së përkatëse që e pengon Palën Pretenduese të kryejë detyrimet e livrimit ose pranimi; ose
 - b) pezullimi nga OST-ja përkatëse i livrimit, pranimi ose injorimit prej saj të detyrimeve të Palës Pretenduese lidhur me Programimin sipas Kontratës.
2. **Çlirimi nga Detyrimet e Livrimit dhe Pranimi:** Nëse një Palë pengohet plotësisht ose pjesërisht për shkak të Forcës Madhore, në kryerjen e detyrimeve të saj për livrim dhe pranim sipas një ose më shumë Kontratave dhe kjo Palë respekton kërkesat e pikës 8.3 (*Njoftimi dhe Lehtësimi i Forcës Madhore*), do të konsiderohet se nuk ka ndodhur asnjë shkelje ose mospagim nga ana e Palës Pretenduese dhe ajo do të çlirohet (dhe jo thjeshtë pezullohet) nga këto detyrime për atë periudhë kohore dhe në atë shkallë që kjo Forcë Madhore e pengon performancën e saj. Asnjë detyrim për të paguar dëmet sipas pikës 8 (*Zhdëmtimet për Paaftësinë për Livrim dhe Pranim*) nuk do t’i merret Palës Pretenduese lidhur me sasi të e pa livruara ose të pamarra.
3. **Njoftimi dhe Lehtësimi i Forcës Madhore:** Pala Pretenduese, sa më shpejt që të jetë e mundur pasi mëson për Forcën Madhore, do të njoftojë Palën tjetër për fillimin e Forcës Madhore dhe, për aq sa është e mundur, do t’i sigurojë një vlerësim jo-detyrues mbi zgjatjen dhe kohëzgjatjen e pritshme të paaftësisë së saj performuese. Pala Pretenduese do të përdorë gjithë përpjekjet komercialisht të arsyeshme për të lehtësuar efektet e Forcës Madhore dhe gjatë vazhdimi të Forcës Madhore, do t’i sigurojë Palës tjetër përditësime të arsyeshme, kur dhe nëse disponohen, mbi zgjatjen dhe kohëzgjatjen e pritshme të paaftësisë performuese.
4. **Efektet e Forcës Madhore mbi Palën Tjetër:** Në rast dhe në atë shkallë që Shitësi çlirohet nga detyrimet e livrimit për shkak të Forcës Madhore, Blerësi do të çlirohet gjithashtu nga detyrimet korresponduese të pranimi dhe pagesës. Në rast dhe në atë shkallë që Blerësi çlirohet nga detyrimet e pranimi për shkak të Forcës Madhore, Shitësi do të çlirohet gjithashtu nga detyrimet korresponduese të livrimit.

NENI 9

RAKORDIMI I SASISE SE ENERGJISE TE LEVRUAR PER QELLIM TE FURNIZIMIT TE KLIENTEVE

1. Shitësi dhe Blerësi jo më vonë se data 10 e muajit do të rakordojnë sasi të energjisë elektrike që kanë shkuar për furnizimin e klientëve universalë.
2. Me mbylljen e bilancit mujor të shoqërisë FSHU, jo më vonë se data 25 e muajit paraardhës, palët do të rakordojnë:
 - a) Sasinë e energjisë elektrike që nuk ka patur destinacion furnizimin e klientëve universalë, dhe ka patur destinacion mbulimin e humbjeve. Kjo sasi do të transferohet në marrëdhënien kontraktuale KESH-FTL, ndërsa për efekt të kësaj kontrate Shitësi do të bëjë një faturë sistemuese për FSHU.
 - b) Sasinë e energjisë elektrike e prodhuar nga prodhuesit me përparësi dhe e cila ka shkuar për FSHU. Kjo sasi, është sasia që rezulton pozitive nga diferenca mes shumatores së prodhimit nga burimet e rinovueshme të energjisë dhe blerjes në treg të parregulluar për mbulimin e humbjeve, me

humbjet totale mujore në rrjetin e shpërndarjes sipas bilancit energjitik të Operatorit të Sistemit të Shpërndarjes dhe Furnizuesit të Tregut të Lirë.

NENI 10

MOS PERFORMANCE TE LEVRIMIT OSE PRANIMIT TE ENERGJISE ELEKTRIKE

- 1. Rasti i mos-performancës ana e shitësit:** Në atë shkallë që Shitësi - Pala që ka detyrimin për livrimin e energjisë elektrike ("Pala Livruese") nuk i livron tërësisht ose pjesërisht sasinë e energjisë të përcaktuar/rakorduar për ditën në avanse, intra-day, dhe kjo paaftësi nuk shfaqësohet nga një ngjarje e Forcës Madhore ose nga mosperformanca e Palës tjetër, Pala Livruese do t'i paguajë Palës tjetër ("Pala Pranuese") një shume si kompensim për atë sasinë të palëvruar me energji elektrike me koston e sigurimit të kësaj energjie nga OST në tregun e parregulluar.
- 2. Rasti i mosrespektimit nga ana e blerësit:** Në rastin kur Blerësi ("Pala Pranuese") dështon të pranojë tërësisht ose pjesërisht sasinë e energjisë elektrike të rakorduar për ditën në avancë dhe kjo paaftësi nuk shfaqësohet nga një ngjarje e Forcës Madhore ose nga mosperformanca e Palës tjetër, Pala pranuese do t'i paguajë Palës tjetër ("Pala Livruese") një shumë si kompensim për dëmtimet si kompensim për atë sasi të papranuar me energji elektrike me koston e sigurimit të kësaj energjie nga KESH në tregun e parregulluar.
- 3. Shuma e pagueshme:** shumat e pagueshme sipas këtij neni do të faturohen dhe paguhen sipas Nenit 14 (Faturimi dhe pagesa).

NENI 11

PEZULLIMI I LIVRIMIT

Përveç të drejtave ose zhdëmtimeve të tjera të mundshme, nëse "Pala që nuk përmbush detyrimet" nuk paguan ndonjë pagesë të vendosur sipas Kontratës, ose sipas kushteve të garancive nëse do aplikohen nuk arrin ta sigurojë, apo zëvendësojë vlerën e kërkuar sipas Kontratës, Pala që përmbush detyrimet do të autorizohet jo më parë se tre (3) Ditë Pune pas dërgimit të një njoftimi me shkrim Palës që nuk përmbush detyrimet, që të pushojë livrimet e mëtejshme të energjisë elektrike dhe të çlirohet (jo thjesht të pezullohet) nga detyrimet kryesore të livrimit sipas gjithë Kontratave specifike deri kur Pala që përmbush detyrimet të ketë marrë kolateralin e kërkuar ose pagesën e plotë (përfshirë gjithë interesat e mospagimit dhe shpenzimet e tjera) të gjithë shumave të papaguara që i detyrohen palës që përmbush detyrimet.

Pezullimi i livrimeve, apo çlirimeve të detyrimeve të tjera të livrimit, nga Palët mund të bëhet vetëm me miratimin e ERE.

NENI 12

KOHËZGJATJA

Kontrata është e vlefshme për periudhën 1 Janar-31 Dhjetor të vitit VVVV.

NENI 13

KUFIZIMI I PËRGJEGJËSISË FINANCIARE

1. **Përfshirja e Përgjegjësisë Financiare:** Subjekt i pikave 13.2 dhe 13.3 dhe përveç kur lidhet me shumat e pagueshme sipas nenit 8 (**Zhdëmtimet**), një Palë dhe punonjësit e saj, zyrtarët, nuk kanë përgjegjësi financiare ndaj Palës tjetër për asnjë humbje, kosto, shpenzim ose dëm ("**Dëmet**"), (përfshirë, pa kufizim, çdo përgjegjësi financiare për shkak të çrregullimeve në furnizimin me energji elektrike sipas një Kontrate specifike) që pëson Pala tjetër sipas Marrëveshjes ose lidhur me të, përveç kur këto Dëme shkaktohen nga neglizhenca e madhe, mos pagesa e qëllimshme ose mashtrimi i një Pale ose punonjësve, zyrtarëve, përdorur nga kjo Palë për kryerjen e detyrimeve të saj sipas Kontratës.
2. **Dëmi Pasues dhe Kufizimi i Përgjegjësisë Financiare:** Subjekt i pikës 13.3, përgjegjësia ligjore e një Pale sipas Kontratës ose lidhur me të:
 - (a) nuk përfshin përgjegjësinë financiare për Dëme indirekte dhe/ose pasuese, përfshirë, pa u kufizuar, humbjen e fitimit, klientelës, mundësive për biznes ose kursimeve të parashikuara; dhe
 - (b) kufizohet me një shumë të barabartë me shumat e pagueshme për energjinë elektrike të furnizuar ose që do të furnizohet nga një Palë sipas çdo Kontrate specifike përkatëse me kusht që ky kufizim të mos zbatohet për pagesat sipas pikës 8 (**Zhdëmtimet për Paafësinë për Livrim dhe Pranim**).
3. **Mos pagesa e Qëllimshme, Mashtrimi dhe të Drejtat Themelore:** Asgjë në Marrëveshje nuk vepron për të përjashtuar ose kufizuar përgjegjësinë ligjore të Palës për:
 - (a) mos pagesën e qëllimshme,
 - (b) mashtrimin; ose
 - (c) çdo veprim që rrezikon të drejtat ligjore themelore të një Pale ose që shkel detyrimet kontraktuale themelore të një Pale.
4. **Detyra për Lehtësimin e Humbjeve:** Për shmangien e dyshimit, dhe subjekt i Legjislacionit në Fuqi, çdo Palë bie dakord se ka për detyrë të lehtësojë Dëmet dhe premtori që do të përdorë përpjekje komercialisht të arsyeshme për minimizimin e çdo Dëmi që mund të pësojë sipas Kontratës ose lidhur me të.

NENI 14 **FATURIMI DHE PAGESA**

1. **Fatura:** Shitësi do t'i dorëzojë Blerësit një faturë elektronike sipas formatit dhe standardeve që parashikon legjislacioni në fuqi, e cila paraqet sasi të totale të Energjisë Elektrike të levruar nga shitësi te blerësi sipas parashikimeve të nenit 9.
Për qëllime të zbatimit të pikës 2 te nenit 2 te kontratës, kur nga Asambleja e Aksionarëve të shoqërisë së prodhimit të energjisë elektrike aksionet e së cilës zotërohen nga shteti, janë përcaktuar cmime të shitjes së energjisë elektrike sipas destinacionit të përdorimit nga ana e shoqërisë së furnizimit (kategoria e klientit sipas nivelit të tensionit ku furnizohet dhe/ose fashës së konsumit mujor kur aplikohen çmimet te ndryshme shitjeje), sasi të energjisë për furnizimin e kategorisë së klientëve dhe/ose tarifimit me fashë konsumi do të llogariten mbi raportin e kërkesës vjetore për furnizim. Paraqitja e kësaj fature do të bëhet brenda datës 10 të Muajit pasardhës të livrimit të energjisë elektrike.
2. **Përditësimi i faturës:** Shitësi mbi bazën e të dhënave të rakorduara ndërmjet palëve sipas parashikimeve të nenit 9 duhet të korrektojë faturat e lëshuara sipas pikës 1, duke lëshuar përkatësisht :
 - a) një faturë për energjinë faktike të livruar për klientët e ndryshëm nga klientët universalë,

- b) një faturë për energjinë faktike për klientët universalë për energji të faturuar mbi fashën me tarifë të rregulluar, nëse është aplikuar dhe
 - c) një faturë për sasinë e energjisë që rezulton si diferencë midis sasisë totale të programuar/faturuar sipas pikës 1 të këtij neni dhe energjisë faktike të livruar për klientët e ndryshëm nga klientët universalë dhe klientët universalë për konsum mbi fashën me tarifë të rregulluar, sipas pikës 2 a) dhe b).
3. **Pagesa;** Pagesa sipas faturës apo faturës së përditësuar, do të bëhet brenda 45 ditëve nga dita e fundit e livrimit Data e pagesës do të konsiderohet data që nga llogaria e Blerësit preken fondet monetare.
4. **Vonesa në kryerjen e pagesës:** Nëse Blerësi dështon në kryerjen e pagesës brenda afatit të përcaktuar në këtë Kontratë, shpërblimi për dëmet e shkaktuara si rezultat i vonesës, do të jetë sipas akteve ligjore dhe nënligjore në fuqi.

NENI 15 TAKSAT DHE TATIMET

Çdo çështje që lidhet me taksat dhe tatimet rregullohet në përputhje me legjislacionin respektiv për taksat dhe tatimet në Republikën e Shqipërisë.

NENI 16 TRANSFERIMI

1. **Ndalimi:** Asnjëra Palë nuk do të autorizohet që t'ia transferojë të drejtat dhe detyrimet e veta sipas Kontratës, një pale të tretë pa pëlqimin paraprak me shkrim të Palës tjetër, i cili nuk do të vonohet, refuzohet ose pengohet në mënyrë të paarsyeshme. Çdo transferim i të drejtave dhe detyrimeve bëhet efektiv pas miratimit nga Enti Rregullator i Energjisë (ERE).
2. **Transferimi tek Filialet:** Çdo Palë do të autorizohet t'ia transferojë të drejtat dhe detyrimet e veta sipas Kontratës, pa pëlqimin paraprak me shkrim të Palës tjetër, një Filiali me aftësi paguese të njëjtë ose më të madhe. Ky transferim do të hyjë në fuqi vetëm pas marrjes së njoftimit nga Pala tjetër dhe miratimit të Entit Rregullator të Energjisë (ERE).

NENI 17 PËRFAQËSIMET DHE GARANCITË

Për të adresuar riskun e çdo Pale, përsa i përket mundësisë për përmbushjen e detyrimeve të palës tjetër, dhe për të siguruar përmbushjen e të gjithë detyrimeve që rezultojnë nga kjo Kontratë apo kontrata specifike, Palët mund të dakortësojnë, më parë apo në çdo kohë pas hyrjes në fuqi, ose në kohën pas nënshkrimit të kontratave specifike, ekzistencën e mbështetjes me garanci kredie dhe Garantues sipas kushteve, të drejtave dhe detyrimeve të dakortësuara prej tyre

NENI 18 PERSONAT E KONTAKTIT

Të gjitha njoftimet, që dërgohen sipas ose në lidhje me këtë Kontratë, duhet të dërgohen me shkrim në adresën e mëposhtme me email ose faks:

Për Furnizuesit të Shërbimit Universal	Për KESH
Administratori i Kontratës	
Z/Znj. _____ Adresa: Bulevandi “Gjergj Fishta”, Ndërtesa nr.88, Tiranë Tel: _____ Cel: _____ E-mail: _____	Z/Znj. _____ Adresa: Rr.”Viktor Eftimiu”, Blloku “Vasil Shanto”, Tiranë Tel.: _____ Mob: _____ Fax: _____ E-mail: _____ ;
Programimi	
Z/Znj. _____ Adresa: Bulevandi “Gjergj Fishta”, Ndërtesa nr.88, Tiranë Tel: _____ Cel: _____ E-mail: _____	Z/Znj. _____ Adresa: Rr.”Viktor Eftimiu”, Blloku “Vasil Shanto”, Tiranë Tel.: _____ Mob: _____ Fax: _____ E-mail: _____ ;
Back Office	
Z/Znj. _____ Adresa: Bulevandi “Gjergj Fishta”, Ndërtesa nr.88, Tiranë Tel: _____ Cel: _____ E-mail: _____	Z/Znj. _____ Adresa: Rr.”Viktor Eftimiu”, Blloku “Vasil Shanto”, Tiranë Tel.: _____ Mob: _____ Fax: _____ E-mail: _____ ;

NENI 19

LEGJISLACIONI NË FUQI DHE ZGJIDHJA E MOSMARRËVESHJEVE

- Legjislacioni në Fuqi:** Përveç kur specifikohet ndryshe, kjo Kontratë do të interpretohet dhe drejtohet nga legjislacioni në fuqi në Republikën e Shqipërisë.
- Zgjidhja e Mosmarrëveshjeve:** Nëse palët nuk arrijnë ta zgjidhin mosmarrëveshjen me mirëkuptim, çdo mosmarrëveshje që ngrihet lidhur me Kontratën do t’i referohet për zgjidhje EREs. Sa më sipër nuk përjashton të drejtën e palëve për të adresuar nëpërmjet Gjykatës zgjidhjen e çdo mosmarrëveshjeje të krijuar në interpretim apo kuptim të kësaj kontrate.

NENI 20

TË NDRYSHME

- Njoftimet dhe Komunikimet:** Përveç kur parashikohet ose vendoset ndryshe nga Palët, gjithë njoftimet, deklaratat e dërguara nga një Palë tjetër duhet të jenë me shkrim (postë të shpejtë ose korrier). Çdo Palë

mund ta ndryshojë informacionin e njoftimit me anë të një njoftimi me shkrim palës tjetër. Njoftimet me shkrim, deklaratat dhe faturat do të konsiderohen si të marra dhe efektive:

- a. nëse shpërndahen dorazi Ditën e Punës, ose Ditën e parë të Punës pas datës së fundit të livrimit;
 - b. nëse dërgohen me postë, Ditën e 2^{te} të Punës pas datës së postimit, ose nëse dërgohen nga një shtet në tjetrin, në Ditën e 5^{te} të Punës pas datës së postimit;
 - c. nëse dërgohen me transmetim faksimile dhe prodhohet një raport i vlefshëm transmetimi që konfirmon marrjen, ditën e transmetimit nëse është transmetuar para orës 17.00 (me orën e marrësit) në Ditën e Punës ose në orën 09.00 (me orën e marrësit) në Ditën e parë të Punës pas transmetimit.
2. **Amendimet:** Çdo amendim ose shtesë në këtë Kontratë do të bëhet vetëm me shkrim dhe do të nënshkruhet nga të dyja Palët, dhe hyn në fuqi vetëm pas miratimit nga ERE.
3. **Pavlefshmëria e Pjesshme:** Nëse, në çdo kohë, ndonjë dispozitë e kësaj Kontrate është ose bëhet e paligjshme, e pavlefshme ose e pazbatueshme, në çdo drejtim, sipas ligjit të çdo juridiksioni përkatës, ligjshmëria, vlefshmëria dhe zbatueshmëria e dispozitave të mbetura të kësaj Kontrate, nuk do të preken ose dëmtohen në ndonjë mënyrë. Në rast se legjislacioni në fuqi sjell ndryshime të dispozitave të kësaj kontrate, deri në miratimin nga ERE të këtyre ndryshimeve, legjislacioni i zbatueshëm do të prevalojë në kuptimin dhe interpretimin e këtyre dispozitave.

NENI 21

MIRATIMI I ERE-S, EFEKTET DHE ZGJIDHJA E PARAKOHSHME

1. Kjo kontratë i shtrin efektet për periudhën 1 Janar - 31 Dhjetor për vitin VVVV.
2. Palët kanë detyrimin të njoftojnë ERE-n lidhur me nënshkrimin e kësaj kontrate.
3. Kjo kontratë Tip mund të ndryshohet vetëm me miratimin e EREs.

NENI 22

Kjo kontratë nënshkruhet në 4 (katër) kopje të barazvlefshme, 2 (dy) për secilën palë.

“Korporata Elektroenergjitike Shqiptare” SH.A. “Furnizuesi i Shërbimit Universal” SH.A.

ADMINISTRATOR

ADMINISTRATOR



Shtojca 1: Programet e livrimit sipas Neneve 4 dhe 5 të kësaj kontrate

Shtojca 2: Sipas Nenit 19, të kësaj kontrate “Pëlqimet e nevojshme të zyrtarëve dhe punonjësve të Palëve për regjistrimet telefonike”



ANEKSI NR. 1

Parashikimi i konsumit të kërkuar nga ana e FSHU



Ndërmjet shoqërive:

Me datë ____/____/____, KESH sh.a. ka livruar/nonimuar në sistemin Damas energjinë elektrike sipas raportit të mëposhtëm:

Data/ora	1	2	3	4	5	6	7	8	9	10	11	12	13	14	15	16	17	18	19	20	21	22	23	24	TOTALE
01/ /2022																									
02/ /2022																									
03/ /2022																									
04/ /2022																									
05/ /2022																									
06/ /2022																									
07/ /2022																									
08/ /2022																									
09/ /2022																									
10/ /2022																									
11/ /2022																									
12/ /2022																									
13/ /2022																									
14/ /2022																									
15/ /2022																									
16/ /2022																									
17/ /2022																									
18/ /2022																									
19/ /2022																									
20/ /2022																									
21/ /2022																									
22/ /2022																									
23/ /2022																									
24/ /2022																									
25/ /2022																									
26/ /2022																									
27/ /2022																									
28/ /2022																									
29/ /2022																									
30/ /2022																									
31/ /2022																									
TOTALE																									

- Sasia totale e energjisë e nominuar në DAMAS _____
- Sasia e energjisë elektrike për efekt shkëmbimi/humbje _____
- Sasia e energjisë e nominuar nga FSHU SH.A. për:
 - Klientët universalë _____
 - Klientët e ndryshëm nga klientët universalë _____